

## Èkwo kẹ mbụ, Pọlu deru nụ Ndu Tesalonáyika

<sup>1</sup> Èkwo-ozì ọwaa shì l'ẹka mbedua, bụ Pọlu alaru chọchi Tesalonáyika, bụ ndu kẹ Nchileke, bụ Nna; bya abụkwaruphu ndu kẹ Nnajiufu, bụ Jisọsu Kuráyisutu. Ndu mu l'ẹphe gbakọru ẹka ede iya bụ Siluvánọsu yẹle Tímoti.

Tẹ Nchileke meeru unu eze-iphe-oma; yo mek-waaphu t'unu buru l'ẹhu-agu.

*Umere ndu Tesalonáyika;  
mẹ ekweta ẹphe*

<sup>2</sup> Tekenteke ayi ekfu anụ Nchileke; bẹ ayi anyatajẹ unu; ekele iya ekele l'okfu ẹka unu l'unu ha. <sup>3</sup> Tekenteke bẹ ayi anyatajẹ unu l'ifu Nchileke, bụ Nna ayi; mbụ nyata ẹge unu gudewa ozi, unu jeru iya; koshi l'unu kweshiru ike l'iphe unu kweru; mẹ ẹge unu gudewa oseshi akanya ike; koshi l'unu yeru iya obu; mẹ ẹge unu gude ọta-nshi; koshi l'unu eleshi ẹnya mbọku ono, Nnajiufu ayi Jisọsu Kuráyisutu a-bya ọdo ono ike. <sup>4</sup> Ụnwunna ayi; ayi makwaru-a lẹ Nchileke yeru unu obu; bya afọta unu t'unu buru ndu nk'ia. <sup>5</sup> Iphe ọbu bụ l'ayi byaru bya ezia unu ozi-oma ono; tọ bụ okfu-ọnu nkinyi iya bẹ ayi gude zia ya unu. Nchileke bẹ shikwa iya phụ koshi unu l'ike iya ereshi ire ike. Ume Nchileke ono bẹ yeru ayi ẹka; ayi adụ ike mee; unu amaru ọgbodo amaru l'iphe ayi ezi unu bụ oswi-okfu. Umere, ayi meru teke ayi l'unu nọ mewaruru;

unu amaru egbe ndu ayi bu. O kwa ege o-o-duru unu le mma meru; ayi emee egbe umere ono. <sup>6</sup> To du iya bu; unu abya awata omu umere ayi; yo buwaruru unu omu umere Nnajiufu. Ophu unu te gudekwaru l'unu eje iphe-ehuka teke eezi unu ozi-oma ono; unu egudelee eh-u-otso-ena ophu shi Ume-du-Nso l'eka; nata ozi ono. <sup>7</sup> Oo ya meru iphe unu bya aburu ndu, iphe bu ndu ophu wowaru onwephe ye Kurayisutu l'eka le Masedoniya; me le Akaya byaru bya awata omu eka ephe. <sup>8</sup> E to bulekwaa l'ozi-oma ke Nnajiufu ono, unu ezi ono be dzuru Masedoniya; me Akaya nkinyi iya. E woru, unu woru onwunu ye Nchileke l'eka be ngakotaakwaru ekemeke obule; k'ophu e to nwehedu onye ayi a-bya akolahaaru iya akoru k'iche. <sup>9</sup> Iphe bu eke ayi jeru be aanoduje ekfugbaa k'ege unu gude meshiaru ayi teke ono, ayi byaru ndu-unu ono. Ephe akokwaaphu ege unu gude sefukotawa eka l'ogwa iphe aagwa agwagwa; bya aghachiwaru Nchileke ifu; jelahaaru okpobe Nchileke ono, no ndzu ono ozi; <sup>10</sup> bya awatakwaphu ole enya Nwa iya ono, e-shi l'imigwe bya ono; mbu nwa iya ono, bu Jisusu ono, o meru; yo shi l'onwu teta nodu ndzu ono. Oo ya bu onye a-dzo ayi l'oke eh-u-eghughu ke Nchileke; mbu l'oke eh-u-eghughu ono, Nchileke a-zube ndu eme iphe du eji mboku ikpe ono.

## 2

*Ozi, Polu jeru le Tesalonáyika*

<sup>1</sup> Ẹnwunna ayi; unubẹdua l'onwunu marua l'akpakfuta ono, ayi kpakfutajeru unu ono ta bukwa kẹ mmakanu. <sup>2</sup> Unu makwaru-a egbe iphe-ẹhuka, ayi jeeberu lẹ Fílipayi; makwaruphu ẹge e gude mee ayi iphe-iphere l'ẹke ono. Obenu lẹ Nchileke ayi melekwaru-a obu ayi; yo shihu ike; k'ọphu ayi byakwaduru bya ezia unu ozi-oma Nchileke ono; ayi te dze lẹ ndu mkpọbyi dọ-pheru ayi mgburumgburu. <sup>3</sup> Teke ono, ayi arọ unu t'unu bya aburu ndu kẹ Kuráýisutu ono bẹ iphe nọ ayi l'ọkpoma; ayi arọ unu ta bukwa t'ayi bya eduphua unu eduphu; tọ bu l'o nweru ejo iphe ayi vu l'ọkpoma; tọ bu l'ọo t'ayi bya egude ughu haru unu ghota. <sup>4</sup> Iphe ayi gbe emeje bu l'ayi ekfuje iphe bu uche-obu Nchileke; okfu lẹ yẹbedua bẹ lewaru ayi ẹnya; maru l'ayi koshiwaru l'ọ gbaru kẹ t'o gude ire ayi ẹka; bya eworu ozi-oma ono ye ayi l'ẹka. Ayi te ekfukwa t'ọ tsoje madzụ ẹnà lẹ nchị; gbahaa t'ayi kfujee ya ẹge ọo-dụ Nchileke mma, bu iya bu onye ono, eletaje ime obu ayi; maru iphe ayi arị ono. <sup>5</sup> Unu makwaru-a l'ẹ to nwekpodua teke ayi gude ire-machamacha kfuru yeru unu teke ono, ayi byaru nk'unu ono; ayi te me umere l'à sùrù l'ọo iphe ayi ta bụdu bẹ ayi sùru l'ayi bụ; ẹge ee-shi t'unu nu ayi iphe. Ọ kwaphu Nchileke a-haru ayi enge iphe-a, ayi ekfu-wa. <sup>6</sup> Ẹ to nwekwa onye ayi meru k'ọphu ọo-ja ayi ajaja. Ayi te mekwa t'unu jaa ayi ajaja; ayi te me tẹ ndu ọdo jaa ayi ajaja. <sup>7</sup> Lẹ keshinu ayi bu ndu ishi-ozì Kuráýisutu b'ọ gbakwaru kẹ t'ayi sù t'unu vuta mkpa ẹhu ayi; obenu l'ayi melekwaru-a unu agu teke ono, ayi nọ lẹ nk'unu ono. Mbù l'ayi dukpooru unu agu

ẹge nwanyị, eleta unwu iya ẹnya adujeru ẹphe agu. <sup>8</sup> Ayi yeru unu obu nshinu. Oo ya meru iphe ayi chiru iya; sụ l'ẹ tọ buledua ozi-oma ono, shi Nchileke l'ẹka ono bẹ ayi l'unu gba mgba; ndzụ ayi bẹ ayi l'unu gbakwaphu mgba. Iphe obu aburu l'unu nonuka ayi l'obu. <sup>9</sup> Unwunna ayi; unu nyatajekwa ẹge ayi seshiberu akanya ike; jeta ozi; ike agvụ ayi. Teke ono, ayi ezi unu ozi-oma ono, shi l'ẹka Nchileke ono bẹ ayi jeru ozi: eswe; l'enyashi; jeta nri, ayi e-ri; t'ẹ b'ọ dụ onye ayi a-buru ivu ẹra nọduru.

<sup>10</sup> Unubedua a-nọdukpoo aharu ayi enge. Ege ono kwaphu bẹ Nchileke a-nọdu aharu iya ayi. Umere, ayi shi emejeru unubẹ ndu kwetaru l'ozi-oma ono bẹ gukwaru egugu; vudo nhamunha. Ẹ to nwekwa ẹke ayi metaru iphe aa-ta ayi uta.

<sup>11</sup> Unu makotaru l'ọo ẹge nna anọduje ehe unwu iya; bụ ẹge ayi shi ehe unu l'ẹhu l'ẹhu. <sup>12</sup> Ayi mewaru unu; obu esihu unu ike. Ayi aduwa unu ike; kfuwa iya kfushiaru iya unu ike t'unu meje umere, dụ Nchileke mma. Oo Nchileke ono bẹ kuru unu t'unu bya abata l'ẹke ya bụ eze; mękwaphu t'unu l'iya gbaru mgba nweru ọdu-biribiri nk'iya.

<sup>13</sup> Iphe meru iphe ayi ta atugbejedu ẹka l'okele Nchileke ekele teke ayi ekfu anụ iya bụ lẹ teke unu nuru okfu Nchileke ono, ayi bya ezia unu ono bẹ unu gbobeleruphu ẹka labụ; nata iya. Unu ta natakwa iya; kua ya okfu madzụ. Unu nataru iya l'ọ -bụ okfu Nchileke; mbụ yọ bukwaru okfu Nchileke bụ iphe ọ bụ. L'ọ kwa Nchileke ono l'ere ire l'ime unubẹ ndu nataru ozi-oma ono. <sup>14</sup> Unwunna ayi; ọ bụ iphe ono,

shi m̀waru unu ono b̀e b̀u iphe shi m̀waru ch̀ochi k̀e Nchileke, b̀u ndu ̀phe l̀e Kuráyisutu t̀ugbaberu b̀uru naǹu l'ali Judíya. O b̀ulephu ̀ge ndu ali unu eme unu kpakpawowo b̀u ̀ge ndu ali ̀phebe ndu Ju shi eme iya ̀phebedua. <sup>15</sup> O b̀u ndu Ju ono b̀e b̀u ndu gburu Nnajiufu; mb̀u Jis̀osu; gbua ndu nkfuchiru Nchileke; bya achia ayibedua chifu ayi l'ali ̀phe. ̀phe egude ̀ge ono meta iphe ta dudu Nchileke mma swibe onẁphe; bya aburu ogu, noru madzu kpamukpamu. <sup>16</sup> ̀ge ̀phe shi b̀uru ogu ono b̀u l'̀phe te kwedu t'ayi zia ndu ̀ta b̀udu ndu Ju ozi-oma ono; k'ophu Nchileke a-dzo ndu ono, ̀ta b̀udu ndu Ju ono. ̀ to nwekpodua teke ̀phe te emetajedu iphe du ̀ji; yo wo ̀phe l'̀kpiri. Obenu l'oke ̀hu-eghughu k̀e Nchileke b̀e mekocharu dakfukwanu ̀phe.

### *Oogu Pòlu t'o je aja ndu Tesalonáyika*

<sup>17</sup> A bya abya l'̀hu nk'ayi; unwunna ayi; o teekwaru ̀nya; k'ophu ayi l'unu phu-beru. O b̀u oswi-okfu l'o tewaru ̀nya ifu ayi l'unu kpòberu; obenu l'obu ayi nòkwaa l'̀ke unu nò. Obu unu duta-beru ayi; k'ophu ayi shiwa teke teru ̀nya seta ̀ge ayi e-me t'ayi l'unu phu ̀do. <sup>18</sup> Ayi seekwaru ̀ge ayi e-me kpakfuta unu; mb̀u l̀e mb̀dua, b̀u Pòlu l'onwomu b̀e seekwaru abyabya ugbo olemole; obu l̀e Sétanu akpòshije iya ayi. <sup>19</sup> O nwekpooru ̀ge o du, ̀ta b̀udu unu nkinyi iya b̀e b̀u ndu ayi chiru ̀ka nyanwua; b̀uru unu e-me t'̀hu tsòo ayi ̀na. O b̀u unu l'a-b̀u obunggo, ayi e-gude l'eku onwayi l'ifu Nnajiufu ayi, b̀u Jis̀osu teke ono, ̀o-bya ̀do ono.

20 Ọo unubẹdua bẹ bụ iphe ee-gude jaa ayi ajaja; bụkwaruphu unu bụ ẹhu-ọtso-ẹna nk'ayi.

### 3

1 Ya ndono; a nọnyaa; ayi ta dūhe ike tagbua ya lẹ nshi; ayi achipyaa ya l'ọ ka ayi mma ayibedua t'ayi kwaa lẹ Átensu; <sup>2</sup> gbe zia nwanna ayi Tímoti. Yẹbedua bụkwaphu onye ayi l'iya tukuroru ejeru Nchileke ozi; mbụ ozi k'ozi-oma kẹ Kuráyisutu. Ayi ziru iya t'ọ bya emee t'unu vudoshia ike l'iphe unu kweru; yo mekwaaphu t'obu shihu unu ike; <sup>3</sup> k'ọphu ẹ too nwedu m'ọ bụ onye lanu l'unu ha, e-gude k'ẹhu-wa, aakpa unu-wa kpọlaa azu. Unubẹdua l'onwunu makwaru-a l'ẹhu ono, aakpaẹbeje ayi ono bẹ bụkotakwa iphe Nchileke makotahawaru l'ọo ẹge ọo-muru ayi. <sup>4</sup> Mbụ; mẹ ayi kfukwaru iya unu l'odungu teke ono, ayi nọ lẹ nk'unu ono l'aa-kpakwa ayi ẹhu. Unu elewaa l'ọ dūwa ẹge ono ọbu; yọ bụru iphe unu tuko makotahawaru. <sup>5</sup> Ọo ya meru iphe mu nọdunyaaru; to kwe tẹ mu tagbukota iya lẹ nshi; mu ezi Tímoti t'ọ bya amaru ẹge unu vudoshibe ike l'ekwekwe, unu kweru kẹ Nchileke. Ọ bụ egvu bẹ mu tsuhuru; sụ: ?a maru o-nwuru-oye ono; mbụ Sétanu te nwuakwarunu unu ye t'unu buhaa ekwekwe ono; akanya ono, ayi seru l'okfu ẹhu unu ono aburu akanya ọ-la-l'iyi.

<sup>6</sup> Obenu lẹ nta-a bẹ Tímoti shiwa l'ẹke unu nọ lawaa; lakfuta ayi; bya ezia ayi ozi, dū mma: l'ekwekwe unu shihuru-a ike; unu eyekwaruphu ibe unu obu. Ọ kọkwaruphu ayi l'unu anọduje achiru ayi idzu ọma; kọroru ayi l'obu ayi dū unu

nshinu ẹge ono obu nk'unu dukwaphu ayi ono. <sup>7</sup> Ẹnwunna ayi; ọ bụ okfu l'unu vudoshi ike l'ekwekwe, unu kweru ke Nchileke kparu iphe obu eshihuje ayi ike l'iphe bụ iphe-ẹhuka, ayi eje; me ẹhu, aakpaebe ayi. <sup>8</sup> L'ọ kwa nta-a be ndzu byaru ayi l'ikoro; keshinu ọphu unu vudoshi ike l'atugbabe, unu le Nnajiufu tugbaberu. <sup>9</sup> Mbụ; ?nanukpo ẹge ayi e-bebe wata okele Nchileke ekele ẹhu unu; me k'ẹhu ono, o meru; yoo tso ayi ẹna l'ifu yebe Nchileke l'okfu ẹhu unu ono? <sup>10</sup> Ayi egudejekwaphu obu ayi l'ọ ha ekfu anu iya: eswe l'enyashi; ekfushiru iya ike t'o mee t'ayi l'unu phu; t'ayi mee ẹke ekwekwe unu t'eshihudua ike; t'o shihu ike.

<sup>11</sup> Nta-a bụ te Nchileke, bụ Nna ayi l'onwiya; me Nnajiufu ayi, bụ Jisosu booru ayi uzo, ayi e-shi abya unu agbaphe. <sup>12</sup> Te Nnajiufu mekwaaphu t'unu kafa oyeru ibe unu obu; mbu t'unu kfuibe ọswa yeru ibe unu obu okpobe eyeye; mbu yee ya ke 'ama-ẹge-e-me iya. Yo bukwaruphu ẹge ono be unu e-yeru iya iphe bụ madzu phuu. Ọ kwa ẹge ono be ayibedua yeru iya unu. <sup>13</sup> Oo ya bụ k'ọphu oo-me t'obu shihu unu ike; unu evudo l'ifu Nchileke, bụ Nna ayi; buru ndu dukota mma; too nwe ẹke aa-ta unu uta teke ono, Nnajiufu ayi, bụ Jisosu yele ndu nk'iya a-yiru bya ono.

## 4

*Umere, du Nchileke mma*

<sup>1</sup> Ụnwunna ayi; iphe ọdo, tsofua ya nụ bụ: l'iphe unu mụtaru l'ẹka ayi bụkwa ẹge unu e-shi gude ndzụ unu eme iphe dụ Nchileke mma. Tẹmanu b'ọ bụlekwaphu iphe ono, dụ Nchileke mma ono bẹ unu emekwaphu. Nta-a bẹ ayi gudekwa ẹpha Nnajiufu, bụ Jisọsu arọ unu; ekfushiru iya unu ike t'unu kafuuru ome iphe dụ Nchileke mma l'eje. <sup>2</sup> L'unu mawaru-a ọkwa, ayi shi l'ẹka Nnajiufu, bụ Jisọsu nmaaru unu; koshi unu ẹge unu e-meje umere. <sup>3</sup> L'iphe dụ Nchileke mma t'unu meje bụ tẹ ndzụ unu l'ọ ha bụkotaru nk'iya; mbụ t'unu sefu ẹka l'ome kẹ nwanyi. <sup>4</sup> Ọdo bụ: unubẹ unwoke; t'onyenonu maru ẹge oo-shi lụa nwanyi l'uzo, vudo nhamunha, bụ iya bụ l'ẹge ọ dụ Nchileke mma; mẹ ẹge uguv e-tso onye obu. <sup>5</sup> T'ẹ b'ọ bụkwa ẹgu ojekfu nwanyi a-lọtaje unu; unu eje alụa nwanyi ẹge ndu ẹ-ta bụdu ndu Ju; mbụ ndu ẹ-ta madụ Nchileke aluje. <sup>6</sup> Lẹ kẹ ọlu nwanyi-a, ayi ekfu-wa bụkwa t'ẹ b'ọ dụ onye e-meswe ibe iya; ọphu 'ọ dukwa onye emegbuta ibe iya. Ayi kfuhaakwaru iya unu; rụa ya unu arurù lẹ nchi l'onye eme egbe iphe ono bẹ Nnajiufu a-gwakwa ọchi. <sup>7</sup> Lẹ Nchileke te kukwa ayi t'ayi bya emerushije onwayi emerushi. Iphe o kuru ayi bụkwa tẹ ndzụ ayi buru iphe ayi egude kwabẹ iya uguv. <sup>8</sup> Ọo ya bụ l'iphe bụ onye jikaru iphe ono, ayi ezi ono ta bụkwa madzụ b'ọ jikaru; ọ kwa Nchileke b'ọ jikaru; mbụ Nchileke ono, anuje unu Ume-dụ-Nsọ iya ono.

<sup>9</sup> A bya abya lẹ k'oyeru unwunna obu: onanu ta bụkwa iphe aa-bya awata oderu unu l'ekwo; l'unubedua l'onwunu bẹ Nchileke l'onwiya zia-

waru ẹge unu e-yejeru ibe unu obu. <sup>10</sup> Mbụ; yọ bụlekwaruphu ẹge e ziru iya unu; bẹ unu shi meta iya. Mbụ l'unu yeru iphe bụ ụnwunna ayi, nọkota lẹ Masedóniya mgburumgburu obu. Obenu l'ayi ekfushikwaru iya phụ unu ike ụnwunna ayi t'unu kafukwaaru ome ẹge ono l'ẹje. <sup>11</sup> Unu kebejelekwaphu ẹhu buru l'odoo. Unu ekebejelekwaphu ẹhu lepyabe ẹnya l'ozi nk'unu. Unu egudeje ẹka unu seta iphe unu egude buru; bụkwa iya-a bụ iphe ayi kfuhawaru unu-wa. <sup>12</sup> Ọ bụ umere ono bẹ unu a-nọduje eme; bụkwaru iya phụ bụ umere, gbaru unu l'ẹke ndu ẹ-ta bụdu ndu kẹ Kuráyisutu nọ; k'ọphu ẹphe a-kwabeje unu ugvu; too nwekwawanu onye unu a-sụ: l'ọ -bụdu iya bẹ unu te emekwa mkpa, nọru unu.

### *Abyabya, Nnajiufu a-bya ọdo*

<sup>13</sup> Ụnwunna ayi; iphe ayi eme t'unu maru bụ okfu ẹhu ndu nwuhuru anwuhu; k'ọphu unu ta agudu aphụ iya l'ọ bụ ndu ẹ-te eledu ẹnya l'ẹphe lẹ Kuráyisutu e-mekochaa nọdu. <sup>14</sup> Ayi kwetaru kweshia ike lẹ Jisọsu bẹ nwuhuru nụ; meebe teta nọdu ndzụ. Ẹge ono bẹ ayi kwetakwaruphu lẹ Nchileke e-shi Jisọsu l'ẹka; mee tẹ ndu, wooduru onwẹphe ye Jisọsu l'ẹka tẹmanu bẹ ẹphe nwuhuderu; t'ẹphe lẹ Jisọsu tũko teta nọdu ndzụ; ẹphe etsoru iya bya.

<sup>15</sup> Iphe ayi ekfuru unu bụ ozi, shi Nnajiufu l'ọnu: l'ayịbedua, bụ ndu ọphu a-nọkwadua ndzụ teke ono, Nnajiufu a-bya ọdo ono te evukwaru ndu ọphu nwuhuhawaru nụ

uzo. <sup>16</sup> Ishi iya aburu lẹ Nnajiufu l'onwiya e-shikwa l'imigwe alazita l'ali; l'echi mkpu oḡu. Eze onye ishi ojozi Nchileke a-nḡdu eku oku; l'egbukwaphu ụpyoku Nchileke. Oo ya bụ; ndu ono, wooduru onwephe ye Kuráýisutu l'eka be ephe nwuhuderu ono evuru uzo teta; nḡdukota ndzụ. <sup>17</sup> Ephe -tetabebelephu; temanu Nchileke adzuchata ayibedua, bụ ndu ophu nḡkwadu ndzụ teke ono; ayi l'ephe abya atuko nmagbabe nḡdu l'ime urukpu; jekfushia Nnajiufu, bụ Jisosu l'ephekerephe; k'ophu ayi lẹ Nnajiufu a-nḡduwaru. <sup>18</sup> Oo ya bụ; t'unu gude okfu-a dua ibe unu ike.

## 5

### *Kwaberu abyabya ke Nnajiufu*

<sup>1</sup> Unwunna ayi; e to buhekwaru iphe aa-bya edederu unu l'ekwo su unu l'oo teke obu ndo; o dudu l'oo mboku obu, iphemiphe obule ono emekota ndo-o. <sup>2</sup> L'unubedua makwarua lẹ Eswe ke Nnajiufu a-tukwa madzu l'ukfu ege ono, onye iphura atuje madzu l'enyashi ono. <sup>3</sup> L'o kwa teke ndiphe suru: "Ha! Lẹ mgboko duakwa agu; o buakwa t'onyenonu tusaru ehu; wata oje ege du iya mma;" ono bu teke bu: a bya ele enya; iyi aburu pheretengu. O bu ege ozeda eku nwata aphushihujeru nwanyi, du ime; bu ege iyi obu a-phushihu: ephe atuko yifukota; too nwe m'oo onye lanu, a-wafu nu. <sup>4</sup> Obenu l'unubedua ta nḡkwa l'ekpuru-ochi; unwunna ayi; ke te mboku ono, Nnajiufu a-bya ono tu unu l'ukfu l'o bu abyabya onye iphura. <sup>5</sup> L'unubedua be bukwa l'eke iphoro no; me l'eke bu eswe.

Ayi ta bukwa ndu bu l'ime ɛnyashi nọ; ayi ta bu ndu bu l'ekpuru-ochi. <sup>6</sup> Oo ya bu; keshinu o duwa ege ono; t'ayi be kukwaru mgbenya ege ndu ophu ekutsua; t'ayi gbe muchikwaaru ɛnya; t'ɛnya doo ayi ɛdòdò. <sup>7</sup> Ndu eku mgbenya bu l'ɛnyashi be ɛphe ekuje iya; buru l'ɛnyashi be ndu anguje mee; l'akpo kulakula anguje iya. <sup>8</sup> Obenu le keshinu ayibedua bu ndu bu l'eke bu eswe; t'ɛnya donua ayi ɛdòdò; te ekwekwe, ayi kweru yele obu, ayi yeru ibe ayi buru uwe-igwe, ayi e-yeje; mbu uwe-igwe, e-gbochitaje ayi okpoma. T'adzota ono, ayi ele ɛnya iya le Nchileke a-dzota ayi ono buru iya a-bu okpu-igwe, ayi e-kpuru. <sup>9</sup> Nchileke ta tukwa ayi eka; t'ayi buru ndu ya a-zube oke ehu-eghughu iya; gbahaa t'ayi bya te ya shi l'eka Nnajiufu ayi, bu Jisosu Kurayisutu; dzoo ayi; <sup>10</sup> mbu Jisosu ono, nwu-chiru ayi onwu ono; k'ophu bu: e meebe; ayi l'iya atuko nodu ndzu: me ayi -no ndzu; me ayi -nwuhuru anwuhu teke oo-bya. <sup>11</sup> Oo ya bu; t'unu meje t'obu shihu ibe unu ike; unu eyekwaruphu ibe unu eka t'ephe vudoshia ike l'ekwekwe, ephe kweru; bu nu iya-a bu iphe-a, unu eme-wa.

### *Iphe unu e-meje*

<sup>12</sup> Ayi arọ unu; unwunna ayi; t'unu yejeru iphe bu ndu ono, ese akanya ehu unu ono ugvu; mbu ndu ono, bu ephe bu ndu, Nnajiufu fotaru t'ephe buru ndu ishi unu; bukwaruphu ndu a-nodu akpo-ziru unu uzo ono. <sup>13</sup> Unu egudekwaphu k'ozi ono, ephe ejeru unu ono; l'eyeru ephe eso;

yekwaruphu ephe obu oḡbodo eyeru; unu l'ibe unu eburu l'ehu-agu.

<sup>14</sup> Ayi arḡkwaphu unu; unwunna ayi t'unu lojee ndu enyiru ozi eka le nchi. Ndu ophu obu e-te gvuduru egvuru be unu e-meje t'obu shihu ike. Unu eyejeru ndu ekwekwe ephe te shihudu ike eka t'ephe kweshia ike. Unu ataje nshi l'eke onyemonye obule no. <sup>15</sup> Unu akwabekwa enya t'e b'o nwe l'unu ha, onye e-gude ejo iphe gwata ugwo ejo iphe madzu meru iya; gbaḡaa t'iphe unu a-noḡdujelephu acho uzo iya buru ege unu e-shi mejeeru ibe unu ohuma; mekwaaru iya phu iphe bu madzu kpamukpamu.

<sup>16</sup> T'ehu tsojekpelekwaphu unu ena tekenteke. <sup>17</sup> Unu ba atugbejekwa eka l'okfu anu Nchileke mkpurumkpuru. <sup>18</sup> Unu keleje Nchileke ekele l'iphemiphe obule, amuru unu: m'o -ruhuru; o du idagha. Ono kwa iphe Nchileke acho unu l'eka unubedua ndono.

<sup>19</sup> Unu ba akpohijekwa Ume-du-Nso iphe oome. <sup>20</sup> Unu ba akpojekwa iya ebo-ebo l'afu; mbu okfu, ekoshi ozi, Ume-du-Nso ziru. <sup>21</sup> Olobu; t'unu datajekwa iphemiphe obule adata; foto iphe ophu du mma; gudepyabeshia ya eka ike. <sup>22</sup> Unu sefukota eka l'iphemiphe obule, bu ejo iphe; m'o -ruhuru; o du idagha.

### *Ekele mkpo-chi ishi iya*

<sup>23</sup> Te Nchileke, bu iya emeje t'ayi buru l'ehu-agu; mee unu t'unu buru ndu nk'iya oḡbodo aburu. T'o dobe ndzu unu kpamukpamu; mbu me uche unu; m'obu unu; m'ehu unu; t'o dobe iya ege ono t'e b'o du eke uta a-du iya jeye teke

Nnajiufu ayi, bụ Jisọsu Kuráýisutu a-bya ọdo.  
<sup>24</sup> Iphe ono bẹ bụ iphe oo-mekota l'ọ ha; okfu l'ọo ya kuru unu; bụkwaruphu onye evudoshije ike l'iphe o kfu.

<sup>25</sup> Ụnwunna ayi; unu kfujekwaruphu nụ Nchileke l'okfu ẹhu ayịbedua.

<sup>26</sup> Unu kelekwa iphe bụ ụnwunna ayi l'ẹphe ha; nmata ẹphe akpa.

<sup>27</sup> Unu gụkwaa ẹkwọ-ozí-wa; t'ọ rukota iphe bụ ụnwunna l'ẹphe ha nchị; Nnajiufu anụkwaa iphe-a, mu ekfu-wa.

<sup>28</sup> Tẹ Nnajiufu ayi, bụ Jisọsu Kuráýisutu meeru unu eze-iphe-ọma l'unu ha.

**Bayiburu Ikwo**  
**Ikwo: Bayiburu Ikwo Bible**

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

3867ef4e-3384-5ab4-a937-63476bb8a7bb